

Broj: UP/I-05-13-1-566/24
Mostar, 18.06.2025. godine

Nacrt

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), člana 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i čl. 19. i 23. stav (4) Pravilnika o izdavanju energetske dozvole (Službene novine Federacije BiH“, broj 51/24) postupajući po zahtjevu privrednog društva „Jajce Alloy Wheels“ d.o.o., sa sjedištem Divičani b.b., Jajce u predmetu izdavanja Energetske dozvole za izgradnju energetskog objekta „JAW“ od 15.11.2024. godine i dopune zahtjeva od 03.06.2025. godine, donosi:

R J E Š E N J E

1. Izdaje se ENERGETSKA DOZVOLA privrednom društvu „Jajce Alloy Wheels“ d.o.o, za izgradnju solarne fotonaponske elektrane „JAW“, instalisane snage 1,98 MW, odobrene snage priključenja 1,98 MW, planirane godišnje proizvodnje električne energije od 2.673 MWh, a koja se planira graditi na području općine Jajce.
2. Energetska dozvola iz tačke 1. dispozitiva ovog rješenja izdaje se na period važenja od pet godina. Važenje energetske dozvole može se produžiti za period koji ne može biti duži od perioda važenja ove dozvole, nakon čega se više ne može produžavati.
3. Planirano vrijeme izgradnje elektrane iz tačke 1. dispozitiva ovog rješenja je 2025 godina.
4. Imalac dozvole dužan je da sarađuje i postupa po zahtjevima Ministarstva za dostavljanje podataka, te da obavijesti Ministarstvo o svim nastalim promjenama u vezi sa ispunjenjem kriterija za izdavanje energetske dozvole.
5. Imalac dozvole dužan je nakon završetka izgradnje elektrane o tome obavijestiti Ministarstvo i dostaviti odobrenje za upotrebu.
6. Ovo rješenje stupa na snagu danom donošenja i objavljuje se na web stranici Ministarstva.

O b r a z l o ž e n j e

Privredno društvo „Jajce Alloy Wheels“ d.o.o, se zahtjevom od 15.11.2024. godine i dopunom zahtjeva od 03.06.2025. godine, podnesenim u propisanoj formi i obrascu, obratilo Federalnom ministarstvu energije, industrije i rudarstva (u daljnjem tekstu: Ministarstvo) za izdavanje energetske dozvole za izgradnju solarne fotonaponske elektrane „JAW“, instalisane snage 1,98 MW, odobrene snage priključenja 1,98 MW, planirane godišnje proizvodnje električne energije od 2.673 MWh, a koja se planira graditi na području općine Jajce, u skladu sa članom 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23 – u daljem tekstu Zakon) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24 - u daljem tekstu Pravilnik).

Uz predmetni zahtjev dostavljena je sljedeća dokumentacija:

- Elektroenergetska saglasnost za proizvođača broj: 022-03-23/0581 od 17.04.2023. godine izdata od JP Elektroprivreda HZ HB d.d. Mostar, Poslovnica Elektro Jajce,
- Urbanistička saglasnost, broj: UP1-07-19-627/23 od 13.09.2023. godine, izdata od Ministarstva prostornog uređenja, građenja, zaštite okoliša, povratka i stambenih poslova Kantona Središnja Bosna/Srednjobosanskog kantonu Travniku,
- Potvrda o koncesiji, broj: 05-13-883/24-3 od 31.10.2024. godine, izdana od strane Ministarstva privrede Srednjobosanskog kantona,
- Mišljenje o okolinskoj dozvoli, broj: 07-19-8996/4 07.11.2024. godine, izdato od Ministarstva prostornog uređenja, građenja, zaštite okoliša, povratka i stambenih poslova Kantona Središnja Bosna/Srednjobosanskog kantonu Travniku.

Uvidom u podneseni zahtjev Ministarstvo je utvrdilo da je zahtjev nepotpun i o tome obavjestilo ponosioca zahtjeva.

Privredno društvo „Jajce Alloy Wheels“ d.o.o je dana 03.06.2025. godine dostavilo Ugovor o opskrbi električnom energijom za kategoriju 10kV, broj: IV-2961/2023-214 od 10.01.2024. godine, potpisan između JP Elektroprivreda HZ HB d.d. Mostar i privrednog društva Jajce Alloy Wheels d.o.o. Jajce i Zemljišnoknjižni uložak broj 823, katastarske općine SP_Divčani, izdat u Zemljišnoknjižnom uredu Općinskog suda u Jajcu dana 24.01.2025. godine, isti je potpunio svoj zahtjev. Shodno članu 17. Pravilnika Ministarstvo je utvrdilo da je zahtjev potpun, te pristupilo ocjeni kriterija za izdavanje energetske dozvole propisanih članom 4. Pravilnika koji se odnose na:

- vrstu i korištenje primarnih izvora energije;
- sigurnost elektroenergetskog sistema, postrojenje i prateće opreme;
- mogućnost priključenja na elektrenergetski sistem;
- lokaciju i upotrebu zemljišta;
- zaštitu okoliša i osiguranje trajne kontrole uticaja na okoliš;
- energijsku efikasnost;
- kvalifikovanost podnosioca zahtjeva;
- doprinos ispunjenju ciljeva u korištenju obnovljivih izvora energije;
- doprinos smanjenju emisija stakleničih i štetnih gasova i čestica.

Na osnovu priložene dokumentacije dostavljene uz zahtjev, Ministarstvo je utvrdilo da su ispunjeni kriteriji za izdavanje energetske dozvole, te u skladu sa čl. 19. i 20. Pravilnika, Ministarstvo je utvrdilo nacrt energetske dozvole, broj: 05-13-1-26/25 od 30.06.2025. godine, obavjestilo podnosioca zahtjeva pisanim putem o utvrđenom nacrtu energetske dozvole za izgradnju solarne fotonaponske elektrane „JAW“, instalisane snage 1,98 MW, odobrene snage priključenja 1,98 MW, planirane godišnje proizvodnje električne energije od 2.673 MWh, a koja se planira graditi na području općine Jajce, te objavilo Obavještenje za javnost na svojoj internet stranici.

Na osnovu navedenog, a u skladu sa članom 23. stav (4) Pravilnika, odlučeno je kao u dispozitivu ovog rješenja.

Podnosilac zahtjeva uplatio je federalnu upravnu taksu propisanu Zakonom o federalnim upravnim taksama i Tarifi federalnih upravnih taksi („Službene novine Federacije BiH“, br. 6/98, 8/00, 45/10, 43/13 i 98/17), na podnijeti zahtjev po tarifnom broju 24.a u iznosu od 10,00 KM.

Pouka o pravnom lijeku

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi Kantonalnom sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

MINISTAR

Vedran Lakić